


續修四庫全書



《續修四庫全書》編纂委員會編

續修四庫全書

上海古籍出版社

二六六・史部・正史類

漢書疏證三十六卷(卷一至卷二十八)

〔清〕沈欽韓撰

2282/06

漢書疏證

一

〔清〕沈欽韓撰

據清光緒二十六年浙江官
書局刻本影印原書版框高
一七九毫米寬二七六毫米

漢書疏證

三十六卷

光緒二十六年孟冬浙江官書局聚

漢書疏證卷一

高祖紀第一

吳 沈欽韓撰

顏師古注漢以來傳五經諸子如毛鄭薛漢馬融趙岐
聞多見兩雅故通古今不假傳集獨揭名氏自爲一傳
後此何晏於論語杜預於左氏傳范滂於穀梁傳薛
於史記漢書雖極研究義既與新學小生不能獨了
故高祖挾書於秦焚書於漢私智然不敢自專故曰集解
注至杜預獨勝於秦姓名使故今莫別猶爲發明顏師古
亦標專注而天文地理非孟康臣瓚等皆專門大師諸
俗非應劭如淳不能宣究故律麻天等皆專門大師諸
通無一語齊梁以降陸澄蕭該姚察等皆專門大師諸
顏氏父祖之講習悉沒其名氏而掄有之非司馬貞張
守節等發之幾無由知其乾沒矣宋祁謂師古未見蕭
該音義豈知彼於已布行者不能全覆猶稍竄名以
李善文選注考之如服虔韋昭張揖諸家今漢書率爲

漢書疏證卷一

師古其近者則懷郭象何法盛之智已恣瀦獨有遺
脫耳夫崇臺非一絲珍裘不一腋既藉衆賢乃標絕智
以質古人能不有愧
開卷成疾此當首難

豐邑中陽里人

太平寰宇記古宅在徐州豐縣城內卽高祖故宅也一

統志豐縣故城卽今豐縣治

母媼

趙策左師觸龍見趙太后稱媼此臣稱其君母廣雅媼

姐母也曹憲云按字書卽媼字按准南書稱母曰社社與姐音同史不得其姓氏故

復尊以媼

管息大澤之陂

寰宇記大澤在豐縣北六里

已而有娠

御覽八春秋合誠圖曰堯母慶都出觀三河之首有赤

龍負圖出署曰赤帝起下天下奄然陰風雨赤龍與慶

都台婚有娠也然帝信既是聖帝聖人生聖子何為遠

假異類以著神靈讖緯之書大抵妖妄而漢人公然以

汚簡牘如熹平四年帝堯碑云慶都與赤龍交而生伊

堯成陽靈臺碑云游觀河濱赤龍交始生堯欲以神堯

反為侮聖又按班彪王命論云劉媪任高祖而夢與神

遇神者即高祖也考釋典新婆沙論云健達縛即入胎之神識

漢書疏證卷一

二

如食香神虛空無爾時二心展轉見前入母胎藏修行

道地經云應來生者父母精合便入胞胎又問菩薩中

有何名中有以居死何處入胎答從右脅入輪土獨覺

入胎位從生門入然如上說則母之胞胎已有神識來

依惟異人降生則石感遇佛本行經摩耶夫人於睡眠

於石脅入堯於高祖所感正此類耳若先未有身而為怪

物所憑以汚族姓德同房后豈帝王之應運者乎

龍顏

韋昭齊語注云顏面目之開果堂先生欽韓再從伯祖諱形釋骨

云橫在髮際前者曰額顙亦曰額額之中曰顙曰庭眉

目開亦通曰顙

為泗上亭長

寰宇記泗水亭在徐州沛縣東南一里高祖昔為亭長

今有廟

注 銅陽音紂

按銅音紂紅反爾雅釋文銅音童又逐拱反孟康本音

傳寫者脫去紅反二字後來刻玉篇廣韻者遂訛出直

柳一音趙一清已辨之

單父人

一統志單父故城在曹州府單縣南一里

漢書疏證卷一

三

主進

說文費會禮也此作進者列子黃帝篇竭智明進智力

劉向校云字誤以盡為進古費亦作盡聲同通為進耳

釋詁盡進也

令諸大夫

諸大夫謂官大夫以上也高祖詔書有云秦民爵公大

夫以上令丞與抗禮古亦有鄉大夫豈得泛然總稱客

乎

呂公大驚起迎之門

此必呂公素重高祖之名豈為萬錢驚起哉

告歸之田

孟康云成帝時二千石賜告不得歸家此見馮野王傳和帝時予告賜告皆絕按後書循吏傳光武詔衛胤以桂陽太守歸家居二歲載病詣闕此太守得帶印綬歸家也隸釋孔耽碑云郡將烏程沈府君表病委職署君行事按劉昭引古今注建武六年三月令郡太守諸侯相病丞長史行事與碑文合碑立靈帝光和時雖不得歸家亦得謝事在郡養病也然亭長等自有旬假之制不得與郡守病告同也以竹皮爲冠

漢書疏證卷一

四

續漢志劉氏冠民謂之鵲尾冠非也晉志後除竹用漆纒

求盜

方言楚東海之閒亭父謂之亭公卒謂之弩父或謂之褚郭云言衣赤也廣雅亭父更褚卒也按方言似以亭父爲亭長褚少孫田仁傳任安代人爲求盜亭父

送徒驪山

一統志驪山在西安府臨潼縣東南縣志山在縣南里許綿互而東五十餘里解縱所送徒

西京雜記高祖將與故人訣去徒卒贈高祖酒二壺鹿肚牛肝各一高祖與樂從者飲酒食肉而去後即帝位朝哺尚食常具此二炙並酒二壺

拔劍斬蛇

三輔黃圖太上皇微時佩一刀長三尺上有銘字難識傳云殷高宗伐鬼方時所出也上皇遊豐沛山中寓居窮谷有人冶鑄上皇息其旁問曰鑄何器工者笑曰爲天子鑄劍慎勿言得公佩劍雜而冶之拾遺記作佩刀此誤即成神器可克定天下上皇解匕首投鑪中拾遺記俄而煙晦劍成上皇以賜高祖高祖佩之斬白蛇是也及定天

漢書疏證卷一

五

下藏於寶庫守藏者見白氣如雲出戶狀若龍蛇惠帝卽位以前庫貯禁兵器名曰靈金內府西京雜記劍上有七采珠九華玉以爲飾難厠五色流離爲劍匣劍在匣中光景照朱於外與挺劍不殊開囊拔鞘輒有光采風氣射人書百官志東京法駕出侍中負傳國璽操斬白蛇劍參乘晉書輿服志晉惠帝時武庫火燒之

欲苦之

呂覽疑似篇梁北黎邱邑丈人有之市而醉歸者黎邱之鬼效其子之狀扶而道苦之與此義同作筭者非東南有天子氣

劉昭郡國志注干寶搜神記曰秦始皇東巡望氣者云

五百年後江東有天子氣始皇至今囚徒十萬人掘汙其地表以惡名改醉李曰由拳縣元和郡縣志潤州丹徒縣秦以其地有王氣始皇遣赭衣徒三千人鑿破長隴故曰丹徒

陳涉起斬

一統志斬縣故城在鳳陽府宿州南元併入宿州今有斬縣集

贊鼓

周禮太祝隋贊逆牲鄭云隋贊謂薦血也凡血祭曰贊疏云賈氏云贊贊宗廟馬氏云血以塗鐘鼓鄭不從而以為薦血祭祀者下文云既祭令徹則此上下皆是祭

漢書疏證卷一

六

記之事何得於中輒有贊廟塗鼓直稱贊何得兼言是隋故為祭祀薦血解之按此故說文亦曰贊血祭也是

贊廟塗鐘鼓祭器與薦血之贊各別也臣瓚說是應劭於此解贊為祭義不切也應劭云贊呼者呼與罇同韻

會罇集韻或作呼易解象百果草木皆甲坼鄭注坼呼

也陸德明釋文呼火詁切按鄭本作甲坼趙岐孟子注

新鐘殺牲以血塗其贊卻此與應劭義同也噫人注贊

讀為微疏云微為飾治之義亦塗治其贊鄰耳師古兩

駁俱謬

魏咎自立為魏王

按魏咎為周市所立呂東謂周市虛位以待咎者四月

史記月表謂魏王咎在陳不得歸國十二月陳勝死乃自陳歸立與此所次先後異

攻胡陵方輿

顧祖禹方輿紀要湖陵城在徐州沛縣北五十里與山東魚臺縣接界方輿城在兗州府魚臺縣城北唐改為魚臺縣志云城北舊有小城即故方輿縣治

引兵之薛

方輿紀要薛城在兗州府滕縣南四十里

走至戚

方輿紀要戚城在滕縣西南五十里

漢書疏證卷一

七

沛公左司馬得殺之

史記索隱曰師古云得司馬之名非也後云左司馬曹無傷自此以下更不見替易處按此言左司馬獲得之

不敢定是曹毋傷

還軍亢父

一統志亢父故城在濟甯州南五十里

在留

方輿紀要留城在沛縣東南五十里

屠相

一統志相縣故城在鳳陽府宿州西北括地志在符離

縣北九十里

至碭

一統志故碭縣蓋卽今徐州府碭山縣南之保安鎮

攻下邑

一統志下邑故城在碭山縣東

於臨濟

一統志臨濟故城在青州府高苑縣西北

至城陽

城當爲成一統志成陽故城在曹州府濮州東南

至雍邱

漢書疏證卷一

八

一統志雍邱故城今開封府杞縣治

章邯夜銜枚

賈公彥疏繡謂以組爲之繫著兩頭于項後結之

至陽城與杠里

史記作成陽爲是陽城在潁川西界非由碭所至地成

陽縣在濟陰郡

今曹州府

故下文攻破東郡尉於成武北攻

昌邑皆其旁近後自東郡向陳留至洛陽戰不利乃回

軍從轅轅至潁川之陽城耳水經注濟陰句陽縣有小

成陽都關縣有羊里亭疑此成陽杠里處方輿紀要杠

里在成陽西

於成武

今曹州府屬縣

遇剛武侯

史記正義括地志故剛城在兗州龔邱縣界方輿紀要

剛城在兗州府甯陽縣東北三十五里

至栗

方輿紀要栗城在歸德府夏邑縣東

北攻昌邑

方輿紀要昌邑城在兗州府金鄉縣西北四十里

里監門

漢書疏證卷一

九

何休公羊注

宣十五年

在邑曰里一里八十戶八家共一巷

中里爲校室選其耆老有高德者名曰父老其有辯護

伉健者爲里正田作之時春父老及里正旦開門坐塾

上晏出後時者不得出莫不持樵者不得入按此則監

門者主啟閉

墨子公輸若墨子過宋天

雨庇其閭中守閭者不納富有卒主灑掃

後書范氏傳友人孔嵩

里卒

監門非卒也司徒里卒注云棚

備爲新野縣阿里街卒

者里宰治處若今

街彈之室監門史記秦二世曰監門之養不穀於此

會戰白馬

一統志白馬故城在衛輝府滑縣東二十里

又戰曲遇東

一統志在開封府中牟縣東

戰犇東

一統志犇縣故城在汝州魯山東南五十里

至丹水

一統志丹水故城在南陽府淅川縣西

還攻胡陽

一統志胡陽故城在南陽府唐縣南八十里

攻析郛

一統志析縣故城在南陽府內鄉縣西北鄆縣城在縣

東北

漢書疏證卷一

距嶢關

宋敏求長安志藍田關在藍田縣東南九十八里即秦

嶢關也後周明帝武成元年徙青泥故城側改曰青泥

關武帝建德三年改曰藍田關隋大業元年徙復舊所

即今關是嶢山在縣南二十里

踰黃山

長安志黃山在藍田縣東南二十五里

元年聚於東井

魏書高允傳允曰按星傳金水二星常附日而行冬十

一月日在尾箕昏沒於申南而東井方出於寅北二星

何因背日而行史官欲神其事不復推之於理按張耳

爲陳餘所敗甘公曰漢王之入關五星聚東井張耳因

此歸漢甘公星家之祖當時已有此言非史官神其事

且金水二星雖云附日亦有逆伏之差若云決無背日

則孝景元年正月癸酉金水不當合於婺女也唐書厯

志大衍厯議曰五星聚東井從歲星也宋書天文志星

傳曰四星若合是謂太陽其國兵喪並起君子憂小人

流五星若合是謂易行有德受慶故立王者奄有四方

無德受罰離其國家滅其宗廟今按遺文所存五星聚

者有三周漢以王齊以霸周將伐殷五星聚房齊桓將

漢書疏證卷一

井齊則永終侯伯卒無更紀之事是五星聚亦有不易

行者矣御覽五春秋元命苞云殷紂之時五星聚房房者著星之精周據而興

係頸以組

楚策蔡聖侯不以國家爲事子發受命乎宣王繫以朱

絲而見之自後獻俘者皆如此五代史劉守光傳晉王

至太原劉仁恭父子曳以組練獻於太廟是也師古以

爲璽綬謬

封秦重寶財物府庫

西京雜記高祖初入咸陽宮周行府庫金玉珍寶不可

稱言其尤珍異者有青玉五枝鐘高七尺五寸作蟠螭

以口銜鐙鈴然則鱗甲皆動復鑄銅人十二人坐皆高三尺列在一筵上琴筑笙竽各有所執皆綴花采儼若生人筵下有二銅管上口高數尺出筵後其一管空一管內有繩大如指使一人吹管一人紐繩則眾樂皆作有琴長六尺安十三絃二十六徽銘曰璠璣之樂玉管長二尺三寸二十六孔吹之則見車馬山林隱轡相次吹息亦不復見銘曰昭華之琯有方鏡廣四尺高五尺九寸表裏有明人照之則見腸胃五藏歷然無核人有疾病在內掩心而照之則知病之所在又女子有邪心則膽張心動秦始皇以照宮人膽張心動者殺之高祖

漢書疏證卷一

主

悉封閉以待項羽羽併將以東後不知所在

傷人及盜抵罪

管子小問篇寡人之抵罪也久矣注抵當也

或說沛公曰

索隱楚漢春秋云解先生而張良世家云鯁生鯁小也

即解生

皆為龍成五色

隋書天文志天子氣內赤外黃又敵上氣如龍馬鬱鬱衝天者此帝王之氣不可擊趙紀青子霄相氣法曰軍上有氣五色相連與天相抵此天應不可攻之無後

公巨能入乎

服虔音渠此古義也荀子修身篇渠渠然注渠讀為遽渠遽古字通張儀傳蘇君在儀甯渠能乎音渠列子黃帝篇范氏之黨以為偶然未詎怪也楚策臣以為王鉅速忘矣是渠巨鉅字通師古俗儒乃解為豈有意督過之

趙策張儀為秦連橫說趙王曰惟大王有意督過之也

王梁楚地九郡

錢氏大昕曰羽既以長沙奉義帝九江王英布衡山王吳芮南郡王共敖而梁河內河東不在羽封域之內則

漢書疏證卷一

主

羽所有者於秦三十六郡中實得泗水碭薛會稽四郡而史稱九郡者據當時分置郡名數之也高帝六年以故東陽郡鄆郡吳郡五十三縣立荆王以碭郡薛郡鄆郡三十六縣立楚王然則九郡者泗水也東陽也東海也即鄆郡碭也薛也吳也會稽也東郡也鄆也灌嬰傳度江破吳郡長吳下遂定吳豫章會稽郡豫章當作鄆吳王濞傳上患吳會稽輕悍是會稽之外更有吳矣水經注廣陵城楚漢之間為東陽郡是有東陽郡矣按吳未嘗分為郡會稽治吳即郡治名之東郡亦不屬楚錢說稍牽合姑備一說耳

都廢邱

寰宇記犬邱一名槐里城在雍州興平縣東南十里

都櫟陽

西安府志漢櫟陽縣城在臨潼縣東北七十里

都高奴

元和郡縣志鄜州爲上郡雕陰縣地延州爲上郡高奴

縣地今州理卽高奴城明統志高奴故城在延安府城

東五里師古云在鄜州界非也

都朝歌

一統志朝歌故城在衛輝府淇縣東北

漢書疏證卷一

西

都六

一統志六縣故城在六安州北

都邾

一統志邾縣故城今黃州府黃岡縣治

都平陽

一統志平陽故城在平陽府臨汾縣西南

從杜南入蝕中

元和志駱谷路在今洋州西北二十里州至谷四百二

十里晉司馬勳出駱谷破趙成壁於懸鈎去長安二百

里按駱谷在長安西南口曰儻谷北口曰駱谷此則入

漢之道索隱云王劭按說文作蝕器名地形如器故名

之按此則字當從金說文蝕枯屬也从金蟲省聲徒冬

反玉篇蝕鉏大兒廣雅鈴鏹謂司馬勳壁懸鈎者或其

地與方輿紀要子午谷或曰卽古蝕中非

亦視項羽無東意

毛詩三禮通作視字鄭云視古示字不獨漢書爲然

五月漢王引兵

史記作八月按漢王以四月就國決策東向部署將帥

非一月所能辦云八月者是

從故道

漢書疏證卷一

圭

方輿紀要故道城卽今鳳縣治在漢中府西北三百八

十里北至鳳翔府二百六十里一統志故道故城在漢

中府鳳縣西北

擊漢陳倉

一統志陳倉故城在鳳翔府寶雞縣東

戰好時

一統志好時故城在乾州東北

距之陽夏

一統志陽夏故城今陳州府太康縣治

二年有修行

續漢志河南尹注循行二百三十人修循字易消隸釋
北海相景君碑陰亦作循行

縣三老

倉頡碑陰衙縣三老上官鳳衙鄉三老時勤此有縣三
老鄉三老之證也又有郡三老國三老王國見袁良碑
及後書王景傳

得劫五諸侯兵

董敎增曰此處五諸侯有河南韓殷魏等而項籍傳贊
云遂將五諸侯滅秦又係何人尋其條貫當據故七國
以其地言不以其王言也漢定三秦即故秦地項羽王

漢書疏證卷一

太

楚即故楚地其餘韓魏趙燕齊爲五諸侯劫五諸侯兵
猶言引天下兵耳故漢伐楚楚滅秦並可言五諸侯也
按楚滅秦除項羽本楚自可云五國如董說漢劫五諸
侯兵時燕齊趙未嘗以兵付漢也當從韋昭說

一統志外黃故城在開封府杞縣東

大戰彭城靈壁東

史記云追至靈壁爲是一統志靈壁城在宿州西北元
和志靈壁故城在宿州離符縣東北九十里蓋其時當
在蕭縣界不得與彭城相連晉書豫州刺史劉喬遣其

子祐拒東海王越於蕭縣之靈壁
睢水上

一統志睢水自河南歸德府永城縣東南流入經宿州
北與徐州府蕭縣接界又東流經靈壁縣六十里又東
入睢甯縣界

魏王豹反爲楚

史記月表與此同帝紀次在三年非也蓋楚破漢豹歸
國即從楚漢以九月虜豹至三年十月韓信已東下井
陘擊趙

三年黃屋左纛

漢書疏證卷一

七

宋史輿服志王輅自唐顯慶中傳之至宋其制箱上置
平盤黃屋又儀衛志阜纛本後魏纛頭之制唐衛尉器
用纛居其一六典注云漢書有纛頭每天子行幸及大軍征伐則建於旗上也蓋旄頭
之遺象制同旗無文采去鉤首六脚後志云今制阜邊
阜旂旂爲火焰之形每一人持一人拓之陳於兩側左
右各六按續漢志云左纛以旄牛尾爲之則唐宋所施
之纛出於虜俗如突厥非漢左纛也又按說文駢翳所
以舞也詩曰左執駢徐鍇云今俗作駢詩釋文駢徒報
反俗作纛爾雅復云纛又作駢然字本从羽爲駢故李
斐解此云毛羽幢漢以旄牛尾亦非古之羽駢也

出榮陽至成皋

一統志成皋故城在開封府汜水縣西北鄭制邑亦名虎牢

出成皋玉門北渡河

水經注河水南對玉門方輿紀要玉門成皋西門也宋時西關門亦曰玉關張曼云北門誤

宿小修武

一統志小修武聚在衛輝府獲嘉縣境修武故城今獲

嘉縣治

四渡兵汜水

漢書疏證卷一

太

水經注汜水北逕虎牢城東又北流注於河左傳有東

汜水南汜水偃二十四年王處於汜杜預云南汜也偃

三十年秦軍汜南杜云此東汜也按東汜即今汜水縣

南汜許州襄城縣也元和志異王出居此因名襄城

軍廣武

史記秦本紀昭王四十三年攻韓汾陘拔之因城河上

廣武水經注濟水過西廣武東廣武城北夷城之閒有

絕澗斷山謂之廣武澗元和志鄭州榮澤縣東廣武西

廣武二城各在一山頭相去二百餘步

封侯公爲平國君

文選注七十楚漢春秋日上欲封侯公匿不肯復見曰

此天下之辯士所居傾國故號平國君通雅葉少蘊云金鄉長侯君碑

云公諱成字伯盛防人諱安國君

五至固陵

按改名固始乃寢邱非固陵也上云漢王追項羽至陽

夏南則固陵在陽夏矣彪續志陽夏有固陵聚元和志

在陳州宛邱縣西北四十三里

屠城父

一統志城父故城在潁州府亳州東南元和縣志西北

至州七十九里明初廢今名城父村

漢書疏證卷一

尤

圍羽攻下

元和志該下聚在宿州虹縣西南五十四里舊志在鳳

陽府靈璧縣東南陰陵山之南

四面皆楚歌

周殷劉賈悉發楚地兵隨漢故皆楚歌宋書樂志舊歌

相和曲有雞鳴高樹巔索隱引顏延之語與師古此注同

斬羽東城

方輿紀要東城在鳳陽府定遠縣東南五十里

殺閼君

詞齊稷下之風猶裏敬號奉春君凡稱君者皆無封地

孟康說非

汜水之陽

一統志汜水在曹州府曹縣北四十里與定陶縣分界謂之番君

寰宇記饒州鄱陽縣史記楚昭王時吳伐楚取番是也郡城卽吳芮爲番君所築

置酒雒陽南宮

大事記輿地志云秦時已有南北宮更始自雒而西馬奔觸北宮鐵柱門光武幸南宮卻非殿蓋秦離都關中猶放周東都之制

漢書地理志卷一

干

高起王陵對曰

錢大昭云魏相傳述高帝詔長樂宮者但有將軍臣陵無臣起漢紀亦無高起二字疑衍

七月燕王臧荼反

月表與此同在七月史於帝紀訛爲十月方回古今考云漢表誤爲四年按荀悅漢紀又在此年八月

治長樂宮

三輔黃圖長樂宮本秦之興樂宮高皇帝始居櫟陽七年長樂宮成徙居長安城三輔舊事宮殿疏皆曰興樂宮秦始皇造漢修飾之周回二十里宋敏求長安志關中記曰秦始皇長

樂宮有魚池前殿東西四十九丈七尺兩好中序同玉臺酒池臺

三十五丈深十二丈長樂宮有鴻臺有臨華殿溫室殿有長信長秋永壽永甯四殿高帝後太后常居之

六年田肯賀上

顏之推家訓書江南本皆作宵字沛國劉臻答梁元帝曰臣家藏舊本以雌黃改宵字爲肯吾至江北見本爲肯

建瓴水也

管子度地篇瓴之尺有十分之三里滿四十九者水可走也注每瓴而有十尺卽長一丈也分之爲三按瓴瓴里開之每里滿此九如此則水可走上矣

漢書地理志卷一

王

瓴也詩傳瓴令適也屋檐瀉水者以板爲之如溜以爲瓶非也

以碭郡薛郡鄆郡三十六縣立弟文信君父爲楚王

錢大昕曰地理志梁國故秦碭郡高帝五年爲梁國梁爲彭越所封楚元不能得之當從傳王薛郡東海彭城三十六縣爲是

濟北博陽

異姓王表濟北王田安都博陽一統志泰山郡博縣亦曰博陽改爲泰山郡博縣故城在泰安府東南
太公家令

按此則太公有湯沐邑也故置家令漢太子公主並有家令列侯有家丞唐六典家丞凡莊宅田園必審其頃畝分其疆界置於籍書若租稅隨其良瘠而爲收斂之數以時入之則家令丞掌食邑也

太公擁彗

史記鄒衍如燕昭王擁彗先驅按管子弟子職振衽埽席此謂拂席致敬也

七年於銅鞮

明史地理志山西沁州春秋晉銅鞮地一統志故城在州南

漢書疏證卷十

幸

曼邱臣

廣韻卽字注漢複姓四十四氏孟子齊有曼丘不擇別有毋丘儉非一姓也

至橫煩

一統志古樓煩國及漢樓煩縣俱在今代州雁門關北晉徙於崞縣東

遂至平城

方輿紀要平城廢縣在大同府東五里晉隆安二年拓拔珪自盛樂徙都平城謂之代都

代王喜奔國

史記在八年表又錯在九年耐以上請之

按應劭如淳說皆古義師古兩不得其讀說文而賴毛也象毛之形又形罪不至髡也奴代切或作耐從寸應劭說與說文同則正宜音乃代反若依如淳說則讀爲能鄭禮運注云耐古能字疏云後來能字仍假隨三足之能爲能釋文能如字又奴代反按又音非也亦有誤不安寸直作而字則易屯卦云利建侯而不甯釋文鄭讀而曰及劉向說苑能字皆爲而按荀子修身篇累土而不輟邱山崇而奮以又鄭樂記注耐古能字後世變之此獨存焉古尙同

漢書疏證卷一

重

立東闕北闕前殿

西京雜記蕭相國營未央宮因龍首山製前殿建北闕未央宮周迴二十二里黃圖二九十五步五尺街道周迴七十里黃圖前殿東西五十丈深十五丈高三十五丈臺殿四十三其三十二在外其十一在後宮池十三山六池一山一亦在後宮門闕凡九十五按黃圖未央宮四面皆有公車司馬門王莽曰王路四門師古謂公車司馬惟在北闕者謬